



Mālō e lelei mei Siamane!



**Malō e Lelei,
ko Mako mo
Paolo kimaua.
Kau mai 'i he
'ema 'a'ahi ki
Siamané!**



Ko Siamane, pe *Tasilení*, ko ha fonua ia 'i 'Iulope lotoloto. 'Oku 'i ai ha ngaahi vaotā mo e vaiatafe, 'otu mo'unga mo e matātahi, mo e fanga ki'i kolo iiki mo e kolo lalahi. 'Oku fakafuofua 'oku 'i ai ha fānau 'e toko 13 miliona 'oku nofo 'i Siamane.

'Oku 'i ai ha ngaahi fale fakatu'i (castle) 'e 20,000 nai 'i Siamane. 'Oku lahi ha ngaahi fale fakatu'i kuo ta'u 'e laungeau honau motu'á. Ko ha fale fakatu'i 'iloa 'eni 'oku ui ko Niusauanisitaini (Neuschwanstein).



Ko e sauakolotí, sōsisí, mo e *Spätzle* (nūtoló) ko ha me'akai manakoa ia 'i Siamane.

'Oku 'i ai ha tempale 'e ua 'i Siamane. Ko e taha 'i Falaipeeki, pea taha 'i Felengifooti, 'a ia 'oku 'i ai e ki'i tamasi'i ko 'eni. 'Oku pehē 'e he faka'ilongá, "*Tempel der Kirche Jesu Christi der Heiligen der Letzten Tage*" (Tempale 'o e Siasi 'o Sīsū Kalaisi 'o e Kau Mā'oni'oni 'i he Ngaahi 'Aho Kimuí Ni).



'Oku fiefia e tamaiki fefinē mo e tamaiki tangatá he 'alu ki he Palaimelí.

'Oku 'iloa 'a Siamane 'i honau ngaahi māketi faka-Kilisimasí. 'Oku sai'ia e ngaahi fāmilí ke mamata ki he maama faka'ofa'ofá mo kai e fanga ki'i me'akai ifó!



Ko e *Tohi Fakahinohino 'a e Fānau* 'eni 'i he lea faka-Siamané. 'Oku faka'aonga'ia 'e he fānau 'i Siamané ke nau ako pea tupulaki ai. 'Okú ke faka'aonga'ia fēfē ho'o tohi fakahinohinó 'i he feitu'u 'okú ke nofo aí?

Fe'iloaki mo ha ni'ihí 'o hotau ngaahi kaungāme'a mei Siamané!

Ko e talanoa 'oku ou sai'ia taha ai 'i he Tohi 'a Molomoná 'a e taimi ne 'a'ahi ai 'a Kalaisi pea ako'i e kakaí. 'Oku ou fie muimui ki he fekau 'a Kalaisi ke 'oua 'e fakamāu. Ko e lahi ange 'eku lau fekau'aki mo e ngaahi akonaki 'a e Fakamo'uí, ko e lahi ange ia 'eku ongo'i 'a 'Ene 'ofá mo e melinó.

Lelia A., ta'u 10, Falanikonia, Siamane

'Oku ou 'ilo kapau te u tauhi e ngaahi fekau, 'oku ou ma'u e fakapapau mo e malu 'o e nofo 'i he hala 'oku fakatau ki he 'Otuá. Te u lava ma'u pe 'o 'ilo na'á ku fai ha me'a 'oku tonu 'i he'eku ongo'i e Laumālie Mā'oni'oni.

Kēlepi A., ta'u 12, Falanikonia, Siamane

'Okú ke ha'u mei Siamane? Tohi mai kiате kimaua! 'Okú ma fie fanongo meiate kimoutolu.

Fakamālo atu 'i ho'omou fie mamata 'i 'a Siamane mo kimauá. Tau toki sio!



'I he 'aho 'uluaki 'o e ako lautohí, 'oku ma'u 'e he ki'i tamasi'i/ta'ahine takitaha ha sachel (kato naunau áfeí), ki'i kato peni, mo ha "kouni ako" (*Schultüte* pe *Zuckertüte*) kuo fakafonu 'aki e lolé mo ha fanga ki'i me'a'ofa.



NGAAHI TA FAKATATA 'A KATE MCDEE TA 'O E KI'I TAMASII 'I MUA 'I HE FAKALONGA 'O E TEMPALÉ FRANKFURT GERMANI NE FALAIPEEKI 'E FERNANDA RUDLOFF. STOCK PHOTOGRAPHY 'E HE ADDRESS STOCK MO 'E GETTY IMAGES